

Ikan paus pengintip Rusia ditemui mati di Norway

HM 3/9/24 pg 27

Oslo: Ikan paus beluga yang dikatakan dilatih untuk menjadi pengintip Rusia ditemui mati, Sabtu lalu.

Haiwan itu yang dinamakan Hvaldimir ditemukan terapung di Risavika Bay, selatan Norway oleh bapa dan anak yang sedang memancing, menurut stesen

penyiar awam Norway, NRK.

Pakar biologi marin, Sebastian Strand yang memantau ikan paus itu sejak tiga tahun lalu berkata, punca kematian Hvaldimir masih belum jelas dan tiada kecederaan luar yang kelihatan.

"Ia benar-benar mena-

kutkan. Hvaldimira dalam keadaan baik (setakat Jumat). Jadi kami perlu menyasat apa yang mungkin berlaku di sini," katanya seperti dilapor Sky News.

Regina Crosby Haug dari One Whale, sebuah organisasi yang berkempen untuk melindungi Hvaldimir memaklumkan ikan paus

itu dalam keadaan sihat, tanpa tanda menghidap sebarang penyakit

"Saya sangat berharap kematiannya tidak berkaitan dengan manusia," tambahnya.

Hvaldimir pertama kali dikesan berhampiran pulau Ingoya di Norway pada April 2019.



HAIWAN bernama Hvaldimir ditemukan terapung di Risavika Bay, selatan Norway.